

پولس رسولی دوّمین نامہ قرنتیانی کلیسا را

نامید بيمونه. ^۹ در واقع آمه را انّته به که انگاری آمه مرگی را محکوم گردشونه. اما اِمن گرد اِمی واسی اِتفاق دَلکینه تا نه به اِشْتَن، بَلْگَم به خِدا توکل بَگَرَم، اِپی که مَرْدَه اون زنده آگره. ^{۱۰} خِدا، آمه انّته ره خَطری کا که کِشِه، رَهايي دوشه و رَهايي بَدای. چَمه اُمید به آ کسی ته که هَنی آمه رَهايي بَدای، ^{۱۱} شَمه نی بَسی شَمه دعااون نه آمه کَمک بَگره، تا ور گِیسن چَمه واسی شُکر بَگَرَن، آ بَرکَتی واسی که ورگسون دعا جواوی کا، آمه آدوعه به.

پولسی نَخشه اِن عوض آبون

^{۱۲} چوم چَمه اِفتخار، چَمه وجدانّه که گواهی بَدای، که اِم دنیا کا آمه رو راستی و صاف و صادقی نه که خِدا کا به رفتار گردمونه، نه آدمی حَکمتی نه، بَلْگَم خِدا فیضی نه رفتار گردمونه مخصوصن شَمه نه. ^{۱۳} چوم که آمه آ چپی غِیراز که شَمه خوَنه و فَهَمه شَمه را نِیویسَم. و از اُمید دارِیم که شَمه اِمی چاک بَقَهَمه. ^{۱۴} هَنه که تا حدودی آمه آزونسَرونه، تا چَمه خِداوند عیسی روزی کا شَمه به آمه افتخار بَگره، هَنه که آمه شَمه واسی اِفتخار بَگردیمون.

^{۱۵} چوم اِمی کا مطمئن بيمه، پیستیم به اوّل بام شَمه ور تا دِ گرّه فیضی تجربه بَگره. ^{۱۶} از پیستیم به که چِمِن راه سَری کا بام مقدونیه منطقه را و شَمه یوینم، و مقدونیه کا هَنی آگردم شَمه ور تا مِن رابی بَگره یهودیه ولایتی

پولسی طرفی کا که خِدا پیسته نه، مسیح عیسی رسولّه، و چَمه برا کا تیموتائوس، خِدا کلیسا را قُرِنتُسی شهری کا، و گِرد مقدسون را، آخائیه ولایتی سَرتاسری کا: ^۲ چَمه دَدَه، خِدا طرفی کا و خِداوند عیسی مسیح طرفی کا، فیض و صُلب و سلامتی شَمه را با!

گِرد تَسلیون خِدا

^۳ مُتوارک ببو خِدا، چَمه خِداوند عیسی مسیح دَدَه، که رَحمتون دَدَه به و گِرد تَسلیون دَدَه به؛ ^۴ هَ خِدا که بَمون، چَمه گِرد مصیبتون دِلَه کا تَسلی بَدای، تا آمه نی بِشایِم کسونی که مُصِیبتون کااینه، آ تَسلی نه که اِپی کا ویگَتمونه، تَسلی بِدِیَم. ^۵ چوم هَنه که مسیح عذابون کا قَت و قَراون سهم بَردیمون، هَنه نی مسیح واسطه نه تَسلی کا قَت و قَراون سهم بَردیمون. ^۶ اَگم آمه مصیبتی کا ایمونه، شَمه تَسلی و نجاتی واسی به؛ و اَگم تَسلی دازم، شَمه تَسلی واسی به، و اِم اَموقعی به کار بوقی که شَمه هَ عذابونی که آمه گِشَم، صبر و حوصله نه تاو بوازه. ^۷ چَمه اُمید شَمه درباره پاترجایه، چوم بَزنیمون هَنه که چَمه عذابون کا سهم دازه، چَمه تَسلیون کا نی سهم بَردیرون. ^۸ چوم که اِی پِراَن، نِپیستیمونه اَمصیبتونی کا که اَسیا منطقه کا چَمه سَر اومّه، بی خَوَر ببیئِه. چوم فِشارونی که چَمه سَر اومّه چَمه طاقتی کا ورتر به که چَمه زنده مَندِه کا نی

گناه کارون بپخشه

۵ حِسّه اگم ایی نفر غم و غورصه باعث یبو،
نه فقط من، بَلگم- اگم مِیَم وِزه گف بَزیم-
تا حدودی شِمّه گردی غورصه دار گردشه.
۶ چوم اِنته زه آدمی را اَمجازاتی که شِمّه وِرترون
طرفی نه آپی سِزاوار زونِسته رونه، وِسته. ۷ بَس
دِ بَسی آئی بپخشه و آپی دلداری پدیه، نَبادا
وِزه غورصه آپی از پا بَروره. ۸ بَس، شِمّه کا
خواهیشِت بگردیم، آئی شِمّه محبتی کا مطمئن
بِکَره. ۹ چوم اِمی واسی شِمّه را نیویشتمه تا
شِمّه اِمتحان بگرم و بویِیم که هر دستوری کا
فرمان بَردیرون یا نه؟ ۱۰ هر کسی که شِمّه آپی
بپخشه، از نی آئی بپخشستیم. و راس راسی اگم
ایی نفری بپخشیم - البته اگم دلیلی بپخشسته را
یبو- از مسیح پیشی کا، شِمّه واسی اِنته گردمه،
۱۱ تا شیطان اَمّه گول مَزّه؛ چوم که اَمّه چپی
نخشه اون کا بی خور نیموئه.

پیروزی مسیح کا

۱۲ وختی شِمّه ثروآسی شهری را تا مسیح
انجیلی موعظه بگرم، با اِمکه خِداوند اوآ کا
ایله یالّه دروازه ای چمن دیمی کا آگردشه،
۱۳ اما هنی آروم قَرار نداریم چوم که چمن برا،
تیتوسی نِتلفتمه. بَس اوآ اهالی نه خِداحافظی
گردمه، شِمّه مقدونیه منطقه را.
۱۴ اما خِدا را شُکر که، همیشه مسیح کا،
اِشْتن پیروزی کا اَمّه راهنمایی بگردی و چپی
دانای یه عطری چمه واسطه نه گرد چگا کا
پخش آگره. ۱۵ چوم که اَمّه خِدا را، مسیح
خوشبوعه بو ایمونه، چه کسونی دیله کا که
نجات پیدا گردشونه، چه کسونی دیله کا که

را. ۱۷ مگم وختی که پیستیم به اِم کاری بگرم،
دِ دلیل بیه؟ مگم از آدمی فیکرون نه تصمیم
بگنیم، جوری که ایی لحظه هم بواجم 'ها، ها'
و هم بواجم 'نه، نه؟'

۱۸ خِدا وفادری سر قَسَم، که چمه گف
شِمّه نه 'ها' و 'نه' نیته. ۱۹ چوم که خِدا زوعه،
عیسای مسیح، که از و سیلاس و تیموتائوس
آپی شِمّه دیله کا اِعلام گردمونه، 'ها' و 'نه' نیته،
بَلگم آپی کا همیشه 'ها' یه. ۲۰ چوم خِدا وعده
ان گرد، عیسای مسیح کا 'ها' اینه. اِمی واسی
چپی واسطه نه یه که اَمّه 'آمین' بواتیمون، تا
خِدا جلال بوینه. ۲۱ و خِدا یه که اَمّه، شِمّه نه
مسیح کا پاترجا بگردی، و اَمّه مسح گردشه،
۲۲ و اِشْتن مَهری چمه سری کا ژندشه و اِشْتن
روح، ایله بپانه شیوار چمه دیلون کا نوعشه.
۲۳ خِدا شاهد بگنیم که فقط اِمی واسی
که شِمّه ناراحت مگرم آنگردستیمه فُرنتسی
شهری را. ۲۴ نه اِم که شِمّه ایمانی سر آقایی
بگرم، بَلگم شِمّه نه و شِمّه شادی را تَقْلا
بگردیمون، چوم که ایمانی کا پاترجاایرونه.

۲ چوم که تصمیم گیتمه هنی از دوازه مام
شِمّه وَر تا شِمّه غورصه دار مگرم. ۲ چوم
اگم شِمّه غورصه دار بگرم، دِ کی تَشای مَن
شاد آگره، شِمّه غیراز که شِمّه غورصه دار
گردمه؟ ۳ از شِمّه را جوری نامه نیویشتمه تا
چمن اویمه موقع شِمّه وَر، اوینی که بَسی مَن
شاد آگرن، چمن غورصه باعث مَبون. چوم
که شِمّه گردی کا مطمئن بیه که چمن شادی
شِمّه گردی شادی یه. ۴ چوم وِزه غم و غورصه
نه و چکیسته دیلی نه و اِسرگینه چمون نه شِمّه
را نیویشتمه، نه اِمی واسی که شِمّه غورصه دار
بگرم، بَلگم تا بزونه چده شِمّه نه خِشیمه.

موسی دیمی جلالی واسی آی دِیسِن، ہر چن آ جلال کارا از بین بشی،^۸ چندی ورتر، آخدمتی کہ خدا روح واسطہ نہ یہ جلالی نہ بی. ^۹ چوم اگم خدمتی کہ محکومیتی را ختم بی جلالی نہ بہ، چندی ورتر خدمتی کہ صالحی را ختم بی جلالی نہ پورہ. ^{۱۰} چوم آچی کہ ای موقعی پور جلال بہ، جسہ ام جلالی مقایسہ نہ کہ سرتزہ، د جلالی نیشہ. ^{۱۱} و اگم آچی کہ از بین بشی، جلالی نہ ہمراہ بہ، چندی ورتر آچی کہ باقی بَمندی جلالی نہ ہمراہہ.

^{۱۲} بس چوم کہ اِنتہ رَہ اُمیدی ہستُمونہ، جُرئی نہ گف رَتم، ^{۱۳} نہ موسی شیوار کہ اِشتن دیمی کا ایلہ نقاب رَندیشہ تا قوم بنی اسرائیل آخرسر، آچی کہ کارا از بین بشی، مَوین. ^{۱۴} اما چوون فیکرن تاریک آبیئہ چوم کہ تا اوری نہ روز ہ نقاب قدیمہ عہدی خندہ موقع باقی یہ و پگتہ بہ نییہ، چوم کہ فقط مسیح کا پگتہ بی. ^{۱۵} حتی تا اوری نہ روز، ہر موقع کہ موسی توراتی خون، چوون دلی سَری کا ایلہ نقاب بَمندی. ^{۱۶} اما ہر موقع کسی آگرہ خداوندی ور، نقاب پگتہ بی. ^{۱۷} خداوند، روح اِستہ و ہر چگا کہ خداوندی روح بہو، اوآکا آزادی اِستہ. ^{۱۸} و گرد آمہ کہ بی نقاب دیمی نہ، خداوندی جلالی، ایلہ آواپنہ شیوار دِیسَم، ہہ شکلی شیوار، جلالی کا بہ ایلہ جلالی کہ ورترہ عوض آبییم؛ و ام خداوندی کا شروع بی کہ، روح اِستہ.

انجیلی نور

۴ بس چوم آ، رَحمتی واسی کہ آمہ را بہ اِنتہ رَہ خدمتی بگردیمون، نا اُمید آبییم. ^۲ بلکم نینکی راہ اون کا و شرم آوَرہ راہ اون کا دوری گردَمونہ و کلاہبرداری نہ ناری را نیشیم و خدا کلامی دَستکاری نِگرم بلکم حَقِیقَتی

ہلاک بَین. ^{۱۶} ای نفری را مرگی بو بدایمون کہ مرگی طرفی را بَشی، ای نفر دِیتری را زندگی بو بدایمون کہ زندگی طرف بَشی. کیتہ کہ اِنتہ رَہ چِیون لیاقتی پدارہ؟ ^{۱۷} چوم کہ آمہ آ آدمون شیوار نیمونہ کہ منفعتی را خدا کلامی خَرشَن، بلکم آمہ خدا چمی پیشی کا، مسیح کا گف رَتم. آ آدمونی شیوار کہ خالِصہ نِیتون دارن و خدا طرفی کا ایپنہ.

تازہ عہدی خدمتکارن

۳ مگم ہنی دَمندہ ایمونہ اِشتن کا تعریف گردہ؟ یا اِمکہ آمہ اِحتیاج دارم بعضیون شیوار، شَمہ سفارش نامہ آدِیم یا شَمہ کا سفارش نامہ ویگرم؟ ^۲ شَمہ اِشتن چَمہ سفارش نامہ ایرونہ، ایلہ نامہ ای کہ چَمہ دیلون سَری کا نیویشتہ بییہ کہ گرد بَشاين آپی بوخونن و آروِن. ^۳ شَمہ نیشون دوعہ رونہ کہ مسیح نامہ ایرونہ، کہ چَمہ واسطہ نہ آرسٹہ بہ شَمہ، کہ جوہری نہ نیویشتہ بہ نییہ، بلکم خدای زندہ روح نہ نیویشتہ بہ، و نہ سِنگی بہ لوحی سَری کا، بلکم آدمون دیلون لوحی سَری کا نیویشتہ بییہ.

^۴ مسیح واسی یہ کہ آمہ اِنتہ رَہ اِطمینانی خدا حضوری کا ہستُمونہ. ^۵ نہ ام کہ اِشتن لیاقت پدارم کہ ادعا یگرم کہ چَمہ دَسی کا نی چپی برون بوئی، بلکم چَمہ لیاقت خدا کا یہ. ^۶ خدا بہ کہ آمہ لیاقت آدوشہ تا تازہ عہدی خدمتکارون ببِیم- عہدی کہ خدا روح سَری کا پاترجاہی، نہ آچی سَری کا کہ فقط ایلہ نیویشتہ. چوم 'نیویشتہ' بیکشتی، اما خدا روح، زندگی بَبخیشستی.

^۷ جسہ، اگم آخدمتی کہ بہ مرگ ختم بی و سِنگی یہ لوحی سَری کا حَک بییہ بہ، جلالی نہ ظاہر آہ، جوری کہ قوم بنی اسرائیل نیمشاین

خدا فیض مردمی سړی کا ورتړ و ورتړ آبو،
شکرگرده نی خدا جلالی را ورتړ آبو.
۱۶ بس نا اُمید نبییم. هر چن چمه ظاهر
کارا از بین بشی، چمه باطن روز به روز تازه
تړ آبو. ۱۷ چوم که چمه ام روک و زو دویترن
رنجن، اَمه را ابدی په جلال بواړدی که آرَنجون
نه برابرۍ نگره. ۱۸ بس آ چی که بی وینده
نیدیسم، بلکم آچی که نیب وینده ذول ژنم،
چوم ویندنیته چین زو دویترن، اما چی اِنی که
نیب وینده ابدی اینه.

چمه آسمونی په ک

۵ حسه بزنیوم که هر موقع ام خیمه یعنی
چمه زمینی په ک، که چی دیله کا زندگی
بگردیمون ویو، خدا کا ایله عمارت هستیمونه،
ایله ک ای که دسی نه وج آبه نیبه و آسمونی
کا ابدی په. ۲ حقیقتن که ام خیمه کا آه گشم،
چوم مُشتاقیمونه که چمه آسمونی په ک ایله
خلای شیار دگرم، ۳ اگم واقعا چی دگرده نه،
د لخت نیمونه. ۴ چوم تا وختی که ام خیمه کا
ایمونه سنگینه باری نه آه گشم، نه امی واسی
که لخت ببیمون بلکم ورتړ پوشونده ببیمون،
تا زندگی آچی که فانی په وپیره. ۵ خدایه که ام
هدفی را اَمه حاضر آگردشه و روح القدوسی،
ایله بیانه ای شیار بمون آدوغشه.

۶ بس اَمه همیشه دیلگرمیمونه. اَمه بزنیوم
تا وختی که ام بدنی کا ک هستیمونه، خداوندی
کا دوریمونه، ۷ چوم ایمانی نه زندگی بگردیمون،
نه آچی نه که تویندیمون. ۸ ها، اَمه حیسایی
دیلگرمیمونه و امی چاکتر بزنیوم که ام بدنی
کا دور آبییم، و ک کا خداوندی نه زندگی
بگردیمون. ۹ بس چه بدنی کا زندگی بگرم و چه
آبی کا دور ببییم، چمه نیت اَمه که آبی راضی

واضح بواتیمون، تقلا بگردیمون خدا حضوری
کا گردی وجدانی کا تصدیق ببییم. ۳ حتی اگم
چمه انجیل نامفهومَه، کسونی را نامفهومَه که
هلاکتی راه کا اینه. ۴ ام دوزه خدا، بی ایمانون
فیکری کور گردشه تا مسیح انجیلی جلالی
نوری که خدا دیمه، موین. ۵ چوم که اَمه
چمه را موعظه نگرم، بلکم اعلام بگردیمون
که عیسای مسیح خداونده، و اِشتن کا فقط
عیسی واسی، و آ نی فقط شمه خدمتکارون
شیوار گف ژنم. ۶ چوم ه خدایی که وايشه:
«نور تاریکی دیله کا دتاوه»، اِشتن نوری چمه
دیلون کا دتاوستشه تا خدا جلالی آزونسته نه
مسیح دیمی کا، اَمه نورانی آگره.

۷ اما ام گنجینه، سُفالی په خُمره دیله کا
هستیمونه، تا معلوم ببو که ام برک قدرت خدا
کاته نه اَمه کا. ۸ اَمه هر طرفی نه سختی کا
ایمونه، اما خورد آبه نیمونه؛ سرگردونیمونه،
اما نا اُمید نیمونه؛ ۹ آذیت آزار ببیمون، اما
اَمه ول آگرده نیسه؛ زمینی سر بلکه ایمونه،
اما گم ورده نیمونه. ۱۰ هَمش عیسی مرگی چمه
بدنی کا بگردیمون تا عیسی زندگی نی چمه بدنی
کا آشکار آبو. ۱۱ چوم اَمه که زنده ایمونه،
هَمش عیسی واسی دسپرده ببیمون مرگی، تا
چی زندگی چمه فانی په بدنی کا آشکار آبو.
۱۲ بس مرگ چمه دیله کا کار بگردی، اما زندگی
شمه دیله کا.

۱۳ زمموری کیتابی کا نیویشته بییه که:
«ایمان وردمه، بس گف ژنیمه.» هم ایمانی
روح نه، اَمه نی ایمان هستیمونه و گف ژنم.
۱۴ چوم بزنیوم آکسی که عیسای خداوندی
مَرده اون دیله کا زنده آگردشه، اَمه نی عیسی نه
زنده آگردشه، و شمه نه بواړدی چی حضور.
۱۵ اِمن گِرد شمه واسی اِستینه، تا هر چده که

شَمَه کا خواهیشت بگردیمون که خِدا نَه آشتی یِکَرِه. ^{۲۱} خِدا آ، کسی که گناه آزونو، چَمَه واسی گناه وَج آگَرْدشِه، تا آمَه، چِبی دیلَه کا خِدا صالحی بپییم.

۶ بَس آ چِیونی کا که خِدا همکارونیمونه، شَمَه کا خواهیشت بگردیمون که خِدا

فیضی بیخودی به دَس مَوَازِه. ^{۲۲} چوم خِدا، اِشعْیای پیغمبری کِیتابی کا تَواتی که:

«چَمَن مُناسَب وختی کا، اِشْتِه

جَوَوی دَوَمَه

و نِجائی روزی کا، اِشْتِه یَاوَر بيمَه.»

جِسَه، الان خِدا مُناسَبَه وخته؛ جِسَه، الان نِجائی رَوَزه.

پولسی سختی ان

^{۲۳} آمَه هیچ سَنگی هیچکسی راه کا فرآیندیم، تا چَمَه خِدمتی کا هیچ عیبی مَبو، ^{۲۴} بَلْگَم هر کاری که بگردیمون نیشون بَدایمون که خِدا نوگرونیمنونه: تاو و تحمِلی نَه مصیبتون کا، سختیون و بَلَاون کا، ^{۲۵} لِس هَرْدَه اون موقع، زَندونون دیلَه کا، وَلولَه اون دیلَه کا، چَتین کاری کا، شَو بیخوابیون کا، و وِشی کا نیشون بَدایمون که خِدا نوگرونیمنونه؛ ^{۲۶} پاکی نَه، دانایی نَه، صَبری نَه، میهرروونی نَه، روح القدسی نَه، خالَصَه محبتی نَه، ^{۲۷} راستَه واجی نَه، خِدا قدرتی نَه، صالح بییه سَلاحون نَه که چَمَه راست دَس و چَپ دسی کایَه؛ ^{۲۸} عِزَّت و ذَلَّتی کا، چَه آمَه بُختون بَزین چَه آمَه کا تعریف یِگَرَن. آمَه نَه دَقَلَبازون شیوار رفتار بی، با اِم حال آمَه راستَه واجیمونه؛ ^{۲۹} آمَه نَه بی نوم و نیشونون شیوار رفتار بی، با اِم حال آزونستَه بيمونه؛ آمَه نَه مَرْدَه اون شیوار رفتار بی، با اِم حال بوبنه خَلا زنده ایمونه؛ آمَه نَه جوری رفتار بی که اِنکاری کارا مجازات ببیمون، با

آگَرَم. ^{۱۰} چوم که آمَه گِرْد بَسی مسیح داوری یَه تختی پِشی کا حاضر آبییم، تا هر کسی بینا بَر آچاک و بَدَه اَعمالی که اِشْتَن بَدنی کا زِندگی بگردی اَنجام دوعَشَه، سِزا بوبینه.

آشتی خِدمت

^{۱۱} بَس چوم خِداوندی تَرسی معنی بَزَنیمون، مردمی قانع بگردیمون. ولی آ چِبی که اِستیمونَه خِدا را اَشکازَه و اُمیدوارمَه شَمَه وجدانی را نی اَشکار بَبو. ^{۱۲} آمَه نِپِیستیمونَه دربارَه اِشْتَن هَنی تعریف یِگَرَم، بَلْگَم پِیستیمونَه دلیلی بوآرَم که شَمَه بَمون اِفتخار یِکَرِه، تا بَشایَه کسونی جَوَوی بَدییه که ظاهری را افتخار بگردین، نَه آ چِبی که دِبی دیلَه کایَه. ^{۱۳} چوم که اگم چَمَه عقلی از دَس دوعَمونَه، خِدا واسی یَه؛ و اگم عاقلیمونه، شَمَه واسی یَه. ^{۱۴} چوم که مسیح محبت آمَه کَنترَل بگردی، چوم فُهَمِستیمونَه که ای نفر گِردی واسی مَرْدَه، بَس گِرد مَرْدی نَه. ^{۱۵} و آ گِردی واسی مَرْدَه تا اُون دِ اِشْتَن واسی زِندگی مَگَرَن، بَلْگَم آ کسی را زِندگی یِگَرَن که چوون واسی مَرْدَه و زِنْدَه آتَه.

^{۱۶} بَس، چِمی پَش دِ آمَه آدَمون هیچکسی مطابق جِسم آزونَم. هر چَن پِیشتری جِسمی مطابق مسیح آزونیمون، جِسَه دِ اِنْتَه نِییه. ^{۱۷} بَس اگم ای نفر مسیح دیلَه کا بَبو، تازه خِلقتی اِستَه. هر چِبی که گَنه بَه دِ تَمون آتَه؛ جِسَه، گِرد چِبی اِن تازه آبیینه! ^{۱۸} اِمَن گِرد خِدا کا اینه که مسیح واسطه نَه آمَه اِشْتَن نَه آشتی دوعَشَه و آشتی دوعَه خِدمتی نی بَمون دَسپَرْدشِه. ^{۱۹} یعنی، خِدا مسیح کا دنیا اِشْتَن نَه آشتی بَدای و مردمی تقصیراتی چوون جِساب نِتی، و آشتی پیغموی بَمون دَسپَرْدشِه. ^{۲۰} بَس آمَه مسیح سَفِیرونیمونه، خِدا اِشْتَن پِیستَه از طریق چَمَه اَنجام بَدای. آمَه مسیح طرفی نَه

و شمه به میرا زوعه اون و کله اون بیرون،
خداوند قادر مطلق ای بواتی.»
بَس ای عزیزن، جسّه که آمه ام وعده اون
هستمونه، بایه اِشتن هر جوره ناپاکي جسم
و روح کا پاک آگرم و خدا ترسی نه، مقدس بییه
کامل آگرم.

پولسی شادی

۲ شمه دلی دیله کا آمه جگا بدیته. آمه کسی
حق کا بدی گرده نیمونه، هیچکسی خراو
گرده نیمونه و هیچکسی کا سواستفاده گرده
نیمونه. ۳ از ای نواچم تا شمه محکوم بگرم.
چوم که پیشتری شمه نه وایمه که هِنته چمه
دلی دیله کا جگا دازه تا یندی نه بمرم و یندی
نه زندگی بگرم. ۴ از دیل و جرئی نه شمه نه
گف رنم. به شمه ور اِفتخار بگردیم. از ور
تسلی هستمه. تمون مصیبتون دیله کا شادی
کا پوریمه.

۵ چوم وختی که حتی آمه آرستیمونه
مقدونیه، چمه ام جان استراحت نگردشه، بلکم
هر طرفی نه آمه مصیبتی دیله کا بیمونه. پرونی
کا دعوا مُرافه مون استبه، و دلی دیله کا ترس.
۶ اما آ خدایی که چکیسته دیلون تسلی بدای،
تیتوسی اومه نه آمه تسلی دوشه. ۷ و نه فقط
تیتوسی اومه نه، بلکم آ تسلی نه که تیتوس
شمه کا گیش به. تیتوس شمه حسرتی کا،
غورضه و غیرتی کا که به میرا هسترونه، به میرا
خَوَر وردشه، اینته که مین ورتر شاد آگردشه.

۸ چوم که حتی اگم از چمن نامه نه شمه
ناراحت آگردمه، چمن گرده کاری کا پشیمون
نیمه. با ام که تلی پشیمون بیمه - چوم بوندیم
چمن آ نامه شمه غمگین آگردشه، هر چن
فقط تلی زمان. ۹ اما جسّه خوشحالیتمه، نه امی
واسی که غمگین آبیرونه، بلکم چوم شمه ام

ام حال کِشته به نیمونه؛ ۱۰ آمه نه غمگینون
شیوار رفتار بی، با ام حال هَمَس شادیمونه؛
آمّه نه ندارون شیوار رفتار بی، با ام حال
ورگسون پولدار بگردیمون؛ آمّه نه جوری رفتار
بی که انگاری هیچی ندارم، با ام حال همه چی
صاحبیمونه.

۱۱ ای فُرنتسی شهری مردم، آمه، شمه نه
رُک گف رنیمونه و چمه دلی سفره شمه را
آگردیمونه. ۱۲ آمه، چمه محبتی شمه کا دریغ
نکردیمونه. بلکم شمه ایرونه که شمه محبتی
آمّه کا دریغ گردرونه. ۱۳ شمه نه چمن خردنون
شیوار گف رنم؛ شمه نی شمه دلی سفره آمه
را آگزه.

خدای زنده معبد

۱۴ بی ایمانون یوگی جیر مشیبه، چون صالح
بییه و شرارت یندی نه چه سَنَمی دارن، نور
و ظلمت چه رفاقتی دارن؟ ۱۵ مسیح و بلیعان
یعنی شیطان چه سلوکاتی دارن و مؤمن و کافر
چه چی کا بندی مون؟ ۱۶ و خدا معبد و بُتون
را چه سلوکاتی استه؟ چوم که آمه خدای زنده
مَعبدیمونه. هته که خدا، تورات و پیغمبرون
کیتابی کا بواتی که:

«از چوون دیله کا بَمَندیم

و چوون دیله کا راه بَشیم،

و آز چوون خدا ببیم

و آون چمن قوم ببین.»

۱۷ بَس، خداوند بواتی:

چوون دیله کا بایه پرون و آوون کا

جدا آبیته.

هیچ نِجس چی دَس مَرنه،

و آ موقع از شمه گرمی نه قبول بگردیم.»

۱۸ «و از شمه را دده ببیم

نَه و با اِم که وِر فقیری نَه، ولی دَس دیل بازی نَه.^۳ چوم که از شاهدیمه که اِشَن توانی قَدَر حتی آبی کا نی وِرتر- پا پیش نوشونه،^۴ بیدون یدیمی وِر آمه منت گردشونه و پیستشونه اِم خِدمتی کا که مُقدسون را یه شریک بون.^۵ اَوَن یه فقط آته که آمه انتظار داریمون بِلگم اَوَل اِشَن خِداوندی را وقف گردشونه، و دومله طبق خِدا اِرادَه اِشَن چمه را وقف گردشونه. اِمی واسی، آمه تیتوسی کا پیستیمونه هَتَه که پیشتری اِشَن اَوَلین قدمون پِگِش به، جِسَه نی اِخیره کاری شمه دیله کا تَمون آگرِه.^۷ ولی هَتَه که گِرِد چیبون کا سَرتریرونه- ایمانی کا، گف رُنْدِه کا، دانایی کا، دِ دیم نَبییه کا، و شمه محبتی کا نسبت به آمه- بَس اِم خیره کاری کا نی گِردی کا سَرتر پِبییه.

^۸ از اِمی شمه را حکم نِگِرم، بِلگم پِستیمه دِیرون غیرتی واسطه نَه ثابت بِگِرم که شمه محبت بیدون یدیمی به.^۹ چوم چمه خِداوند عیسیای مسیح فیضی کا خَوَر دازه که هَر چن دولتمند به، شمه واسی نَدار آبه تا شمه چپی نَداری کا دولتمند پِبییه.

^{۱۰} از چِمَن نظری اِم جریانی درباره بواتیم: اِم به نفع شمه یه، پارسال، شمه یه فقط اِم خیره کاری اَنجام دوعه کا، بِلگم چپی اَنجام دوعه ذوق و شوقی کا نی پیش دَلکیرونه.^{۱۱} بَس جِسَه اِم کاری تمون آگرِه، تا ذوق و شوقی که اِم کاری را دارِیرون، چپی تمون آگرده نی، شمه تَوان مالی نَه جور ببو.^{۱۲} چوم اگم ذوق و شوق ببو، آ آدمی هدیه مُطابق آ چی که داره قبول تَبی، یه مطابق آ چی که نیشه.

^{۱۳} چوم چمه منظور اِم نیتیه که خَلک آسایشی کا ببون و شمه فِشاری کا پِبییه، بِلگم پیستیمونه منصفانه ببو،^{۱۴} که جِسَه شمه وِر داشته چوون اِحتیاجاتی بَرطرف بِگِره، تا اِپی

غمگینی باعث به که توبه بِگِره. چوم شمه غم خِدا را به، تا هیچ ضرری آمه کا به شمه اَمَرستِه.^{۱۰} چوم اِغمی که خِدا را ببو، توبه را ختم ببی، که اِخِر سَر نجاتی را ختم ببی و پَشیمونی نیشه. اما غمی که دنیا را یه، اِخِر سَر مرگی را ختم ببی.^{۱۱} چوم که دِپسه اِغمی که خِدا را به، چه شوقی شمه دیله کا بار وِر دَشَه: البت هِم شوقه که نیشون بَدای تقصیر کار نیرونه، چه غیضی کا، چه ترسی کا، چه دِیلتنگی کا، چه غِیرتی کا، چه مجازاتی کا. شمه همه جورَه ثابت گردرونه که اَقْضِییه کا بی تقصیر بیرونه.^{۱۲} بَس هَر چن که اِ نامه شمه را نیویشتمه، ولی یه اِکسی واسی که بَدی گردشَه یا یه اِکسی واسی که ببی نَه بَدی به، بِلگم اِمی واسی به که خِدا حضوری کا شمه اِغِیرتی که به آمه دازه اَشکار آبو.^{۱۳} اِمی واسی آمه تَسلی هِستیمونه.

چمه اِشَن تَسلی به غِیراز، آمه تیتوسی وینِدِه نَه وِرتر شاد آبیمونه، چوم که چپی روح شمه گردی واسی تازه آبه.^{۱۴} چوم که از چپی وری کا هَر نظری کا شمه را اِفتخار گردمه و شمه مَن شرمندِه نِگِردرونه. بِلگم هَر چپی که شمه نَه وایمونه دُرست به، ثابت به که چمه اِفتخار تیتوسی وری کا به جا به.^{۱۵} هَر گِزه که تیتوس شمه گِردی اِطاعتی ویر بواردی که چننه ترس و لَرزی نَه آبی قبول گردرونه، شمه وِرتر دیل دَوْنِدِه.^{۱۶} خوشحالیمه که به شمه تمام کمال اطمینان هِستیمه.

تشویق گِردِه دَس دیل بازی ببیه را

پِران، آمه پیستیمونه شمه اِ فیضی دیله کا که خِدا، مقدونیه کلیساوون آدوشه، خَوَردار بِگِرم.^۲ چوم که اَوَن مصیبتی واسی، بَرک آزمایش ببینه، ولی بی خَد و اَندازه شادی

إفتخاری که آمه شّمه را بگردیمون، کلیساون پیشی کا آ آدمون را ثابت بکّره.

هدیه اِن اورشلیمی مسیحی اون را

۹ جِسّه دِ لازم نیته که اِم خدمتی درباره شّمه مقدسون را بینویسیم،^۲ چوم که بَرَنیم اِم کاری را چه ذوق و شوقی هِسْترونه و اِی واسی نی مقدونیه ایماندارون وری کا شّمه را إفتخار گردّمه. آوون نه وائمه که پارسال تا جِسّه شّمه آخائیه ایالتی کا هدیه آدوعه را آماده بیرونه. و شّمه غیرت وِر گسون آوون کا نی اِم کاری را تحریک گردّشه. اما^۳ اِم براون ویسا آگرم تا ثابت ببو که چّمه إفتخار به شّمه اِم جریانی درباره بیخودی نیته، بَلگم هتّه که وائمه، حاضر ببیته.^۴ مَبو که اگم مقدونیه ایماندارون کا چن نفر چمن همراه بان و بَقْهمن که شّمه حاضر نیرونه، آمه آ اطمینانی کا که به شّمه داریمون، شرمندّه ببیم، دِ اِی کا که شّمه اِشتن چّدّه شرمندّه ببیرون هیچی نواچم.^۵ بَس واجب ویندّمه که براون کا ببیم که نارناره شّمه ویندّه را بان و آ هدیه اونی که وعده دوعه رون به، تدارک یوینن. تا اِم هدیه، هدیه ای ببو که شّمه میلی نه آدوعه رونه نه زوری نه.

۶ چمن گف اّمه: هَر کسی که کم بکاره، کم نی درو بگردی، و هَر کسی که ور بکاره، ور نی درو بگردی.^۷ هَر کس هَ اندازه ای آده که اِشتن دلی کا نیت گردّشه، نه بی میلی و زوری نه، چوم خِدا، آ کسی نه که شادی نه هدیه آده خِشه.^۸ و خِدا بَشای هَر نعمتی شّمه را ور آگره تا همه چی کا همیشه شّمه گردِ احتیاجون قَدَر بدازه و هر چاگه کاری کا قَت و فراوون بدازه.^۹ هتّه که مزموری کیتابی کا نیویشته بیته که:

روز نی چوون وِر داشتِه شّمه احتیاجاتی بَر طرف بکّره که اِنته اِنصاف بَرقرار ببو.^{۱۵} هتّه که توراتی کا نیویشته بیته: «آ کسی که وِر جمع آگردش به، اِضافه اِنداریسته، و آ کسی که کم جمع آگردش به، گم و گسریشی نیته.»

بولس، تیتوسی سفارش بگردی

۱۶ ولی خِدا را شُکر بگردیم که آ غیرتی که از شّمه را هِسْتِمّه تیتوسی دلی کا نی اِسته. ۱۷ چوم که آ نه فقط چّمه پیسته قبول گردّشه، بَلگم اِشتن وِرّه ذوق و شوقی نه، شّمه وِر اومه واسی پیش دَلگه.^{۱۸} آمه ایلّه دیتِر برایی تیتوسی همرا ویسا آگرم که گردِ کلیساون کا اِنجیلی موعظه کرده واسی سَرشناسه.^{۱۹} و نه فقط اِم، بَلگم آ برا کلیساون طرفی نه مُعین بیته تا اِم خیره کاری انجام دوعه و اِدازه کرده کا که چّمه وظیفه یه آمه نه هَمسَقَر ببو. آ کاری که خِداوندی جلالی رایّه و چّمه خیرخواهی نیشون بدای.^{۲۰} آمه وِر، ویرا ایمونه اِم خدمتی کا که هدیه اون جمع آگرده که دلی کا به و چّمه واسطه نه اِداره بی هیچکس آمه کا ایرادی مَکِرِه.^{۲۱} چوم تَقْلا بگردیمون نه فقط خِداوندی نظری کا، بَلگم مردمی دیدی کا نی آ چپی که چاگه انجام بدیم.

۲۲ و اِمون نه چّمه برا نی ویسا آگرم که وِر آبی اِمتحان گردّمونه و فُهْمِسْتْمونه که وِر چیون کا ذوق و شوق هِسْتِشه، ولی جِسّه آ برا، آ وِرّه اطمینانی واسی که به شّمه داره پیشتری کا نی ورتَر ذوق و شوق هِسْتِشه.^{۲۳} تیتوسی درباره بَسی بواچم که آ خدمتی کا که شّمه بگردیرون چمن شریک و همکاره؛ و چّمه براون دربارّه نی بَسی بواچم که اَوْن کلیساون ویسا آگرده و مسیح جلالی نه.^{۲۴} بَس شّمه، آ محبت و

«دَس و دیل بازی نَه فَقیرفُقرّا
بَخشستشَه،

چپی صالحی تا اَبَد پاترجا بَمَندی.»

۱۰ آ کسی که دونه کشاورزی را و نونی هَرده را
آده، شَمه دونه کِشت و کاری را آماده بگردی،
برکت بَدای و شَمه صالحی محصولی قَت و
فَراوون بگردی. ۱۱ شَمه هَر چپی کا دولتمند
ببیرون تا بِشایه هَر چپی کا دَس دیل باز بِبیته،
و شَمه اِم دَس دیل باز ببیه چَمه واسطه نَه
خدا شُکرگرده را ختم بی.

۱۲ چوم که اِم خدمت، نِه فقط مقدسون
احتیاجاتی برطرف بگردی، بَلکم باعث بی ور
گِسن بی حد و اندازه خدا شُکر بگرن. ۱۳ و
اِم خدمتی واسی مردم خدا جلالی بَویندین،
چوم که شَمه نِه فقط اعتراف بگردیرون مسیح
انجیلی ایمان هِسترونه، بَلکم آوون و دیرون
آ چپی دیله کا که هِسترونه شریک بگردیرون.
۱۴ هَتَه نی خدا برک فیضی واسی که شَمه سَری
کاته، آون ذوق و شوق نَه شَمه را دعا بگردین.
۱۵ خداوندی شُکر بگردیم آ هدیه ای واسی که
زَرونی نَه نیبِ واتِه!

پولس اِشتن خدمتی کا دفاع بگردی

۱. از، پولس، اِشتن مسیح نرمی و
میهررونی نَه شَمه مَنت بگردیم، آزی
که، ور گِسن شَمه کا بَواتین وختی که شَمه
وَری کاایمه سَر به جیریمه و آ موقعی که
شَمه وَری کا نیمه جسوریمه! ۲ از شَمه مَنت
بگردیم وختی که اومیمه شَمه وَر مجبور مَبوم
شَمه نَه جِسارتی نَه رفتار بگرم، آته که بعضی
مردم خِیال بگردین که آمه آدمی به فیکرون نَه
رفتار بگردیمون. ۳ چوم هَر چن که جِسمی کا
زندگی بگردیمون، اما مطابق جِسم جنگ نِگرم.
۴ چوم که چَمه جنگی آسَلحه، جِسمی کا نیته،

بَلکم خِدا قدرتی هِستِشه تا قلعه اون نابود
بِگَره. ۵ آمه، هَر بحثی و هَر کسی که خِدا دانایی
ضِد یال یالَه نظر بَدای، از بین بَتردیمون و هَر
فیکری، مجبور بگردیمون مسیح کا اطاعت
بِگَره. ۶ آ موقعی که تمام کمال مسیح کا اطاعت
بگردیرون، آمه آماده ایمونه، تا هَر نا اطاعتی
تَنبِه بگرم.

۷ دِیسه، بوبنه شَمه چمی پیشی کا چه نوعه.
اگم کسی مطمئننه که مسیح شَنه، آ آدم بَسی
بِزونه هَتَه که آ مسیح شَنه آمه نی مسیح
شَینیمونه. ۸ چوم که حتی اگم تَلی ورتر چِمن
اِقتداری را فخر بگرم شرمندَه نیوم. آ اِقتداری
که خِداوند، شَمه بنا گرده را مِین آدوَعشه نِه
شَمه نابودی را. ۹ نیبِستِمه اِنته به نظر با که از
تَقْلا بگردیم چِمن نامه اون نَه شَمه پَترسونم،
۱۰ چوم که بَواتین: «چپی نامه اِن سخت
و سنگین اِستینه، اما وختی بوقی دیمادیس
ضَعیفه و چپی گف رَنده تعریفی نِداره.» ۱۱ بَدا
کسی که اِنته بَواتی بَفهمه هَر چپی که چِمن
نیبیه موقع نامه اون کا بَواتیم، وختی که
اومیمه، آ کاری اَنجام بَدایم.

۱۲ نِه اِمکه آمه جُرئت بگردیمون اِشتن
کسونی کا بَزونَم که اِشتن کا تعریف بگردین
یا اِشتن یَندی نَه مقایسه بگردین. ولی آ
موقع کسونی که اِشتن یَندی نَه سُبک سنگین
بگردین و اِشتن یَندی نَه مقایسه بگردین،
نَفهمِن. ۱۳ ولی آمه بیش از اندازه اِفتخار نِگرم،
بَلکم فقط هَ اندازه اِفتخار بگردیمون که خِدا
آمِه را مُعین گردَشه، هَ اندازه ای که شَمه
نی در بَر بگتی. ۱۴ چوم که آمه چَمه پا چَمه
حدی کا ورتر دراز آگرده نیمونه، جوری که
انگاری هَرگز شَمه خدمت گرده نیمونه. چوم
که آمه اَوّلین کسونی بیمونه که مسیح انجیلی
به شَمه آرساوونِدیمونه. ۱۵ آمه چَمه حدی دارم

۷ مگم گناه گردمه که اِشتن روک آگردمه تا شمه سَریلند بیبیه، چوم که خِدا اِنجیلی پیغومی مِفَتَکی شمه را اِعلام گردمه؟^۸ از دِیتر کلیساون غارت گردمه و آوون کا کمک مالی ویگَیتمه تا شمه خدمت یِگرم.^۹ و مدتی که شمه دیله کا بیمه و محتاج بیمه، هیچکسی دوشی سَری کا باری پَنوعه نیمه، چوم پِراانی که مقدونیه ولایتی کا اومینه چمن اِحتیاجاتی بَر طرف گردشونه. و از هیچ جورّه شمه دوشی سَری کا باری نوعم نیته و چمی به دومله نی نتم.^{۱۰} مسیح اِحقیقی سَر قَسَم که چمن دیله کایه، که هیچ کس آخائیه منطقه کا چمن اِم اِفتخاری به مَن کا نیوِیگره.^{۱۱} و چیرا؟ یعنی اِمکه شمه نه خَش نیمه؟ خِدا بَرنی که خِشیمه!^{۱۲} و کاری که بگردیم اِدامه بَدایم تا کسونی کا که اِدعا بگردین پیستِشونه، هَته که آمه خدمت بگردیمون خدمت یِگرن، فُرصتی ویِگرم. کسونی کا که تَقْلا بگردین تا اِشتن آ چپی دیله کا که یی فخر بگردین آمه نه بَرابَر یِگرن.

۱۳ چوم اِنته ره کسونی، دوروعی نه رسولن و دَقْلَبازَه کارگرونی اِستینه که اِشتن مسیح رسولن شیوار وَج آکرن.^{۱۴} و اِم عَجیب نیپَه، چوم که شیطان نی اِشتن نوری ملائیکه شیوار وَج آگره.^{۱۵} بس تعجب ینداره که چپی خادِمَن نی اِشتن صالحی خادِمون شیوار وَج آکرن. آخِرَسَر اَوَن اِمْجَازاتی که چوون حَقّه ویِگرن.

پولسی عذابن

۱۶ هَنی بَوَاتیم: کسی مَن بیقَهَم مَرونه. اِما اِگم اِنته بگردیرون نی، حِداقل ایلَه بیقَهَمه اَدَمی شیوار مَن قبول یِگره، تا از نی بِشام روکته اِفتخار یِگرم.^{۱۷} وختی از اِنته ره اِطمینانی نه

و چپی را که خَلک زحمت گَششونه اِفتخار یِکرم. ولی آمه اُمید هِستِمونه که هَر چه شمه ایمان وِرْتَر ترقی یِگره، چمه خدمتی حَدا نی شمه دیله کا وِرْتَر آو،^{۱۶} تا بِشایم اِنجیلی، آ ولایتونی کا که شمه کا دوری نه موعظه یِگرم. چوم نیپستِمونه به کاری اِفتخار یِگرم که پیستری، اِی نفر دِیتری مُخوطه کا اِنجام بیپَه.^{۱۷} پِدازه «هَر کسی که اِفتخار بگردی، به خِداوند اِفتخار یِگره.»^{۱۸} چوم آ کسی که اِشتن، اِشتن کا تعریف یِگره مورد قبول نیب، بَلگم آ کسی مورد قبول بیی که خِدا آبی کا تعریف یِگره.

پولس و دوروعی نه رسولن

۱ گشکی شمه چمن اِم روکته نادونی کا مَن تاو بوآردیرون، مَن تاو بوآزه! ۲ چوم که از شمه را غیرت هِستِمه و اِم غیرت خِدا کایه، چوم که از شمه ایلَه مَرَدی نه، یعنی مسیح نه، پیوندی گردمه، تا شمه، ایلَه پاگه باکره اِی شیوار دَسپارم چپی دَس.^۳ اِما تَرَسَم هَته که نَلتی، حوا گول ژَندِشَه، شمه فیکر نی آ صاف و صادقی و خلوصی نه که به مسیح هِستِرונה، منحرف ببو.^۴ چوم که اِگم اِی نفر با شمه وَر و شمه ایلَه دِیتر عیسی نه آ عیسی غِیراز که آمه به شمه اِعلام گردمونه، اِعلام یِگره، یا اِگم شمه ایلَه دِیتر روح، روح القدوسی غِیراز که ویِگَترونه، ویِگره یا اِگم اِنجیلی پیغومی آ اِنجیلی پیغومی غِیراز که قبول گردرون به قبول یِگره، شمه راحت آبی تحمل بگردیرون.^۵ راس راسی گمون یِگرم از آ 'یال رسولن' کا چپی گم بدارم.^۶ حتی اِگم گفَت رُنی کا ماهر مَبوم، دانایی کا چپی کم نیمه؛ راس راسی آمه اِی هَر لحاظی کا، هَر چی دیله کا شمه را روشن آگردمونه.

بازه که چمن دوشی سَری کا سنگینی بگردی.
 ۲۹ کتیه که ضعیف آبو و از ضعیف آمبوم؟
 کتیه که یلغزه و از مسوچم؟

۳۰ اگم بسی افتخار بگرم، آ چپونی را افتخار
 بگردیم که چمن ضعیفی نیشون بدای. ۳۱ خِدا،
 خِداوند عیسی دده، که آئی تا ابد شکر بگردیم،
 بزنی که از دوروع نواچم. ۳۲ دَمشقی شهری
 کا، آ حاکم که حارث پاتشا، آبی مُعین گِردشه،
 دَمشقی شهری را نگهبونونی نوشه تا مین
 دستگیر بگرن. ۳۳ اما مین نوشونه ایله زنبیلی
 دیله کا، و ایله برجه ای نه که شهری حصارِی
 دیله کا به، مین ویسا آگردشونه جیر و انته به
 که از چپی دسی کا دوشتیقه.

پولسی رویا ان و چپی جسمی تیگن

۱۲ از بسی هنته افتخار بگرم. هر چن
 که آبی کا هیچ نفی نیرم، جسّه چمن
 افتخاری، رویااون و خِداوندی مکاشفاتی واته
 را ادامه بدایم. ۲ آبی نفری مسیح کا آزونم، که
 چارده سال پیش برده به سوّمین آسمونی را.
 نیمزمن بدنی نه یا بدنی کا پرون، خِدا بزنی. ۳ و
 از بزنی که آ آدم برده به بهشت- نیمزمن بدنی
 نه یا بدنی کا پرون، خِدا بزنی- ۴ و آ چپونی
 دَرَسسه که نیب واته، که آدمی را چاک نیته
 چوون دربارِه گف پزنه. ۵ از انته ره کسی را
 افتخار بگردیم. اما دربارِه اِشتن، چمن ضِعفون
 غیراز چپی را افتخار نگریم. ۶ هر چن اگم پیستیمه
 افتخار بگرم، بیفهم نیوم، چوم حقیقتی بواتیم.
 اما اِم کاری کا پرهیز بگردیم تا نبادا کسی خیال
 بگره از، آ چپی کا که به مین کا بَویندی و به مین
 کا دَرسه یالتریمه.

۷ بس اِمی واسی که اِم یالّه مکاشفاتی که بی
 حد و اندازه نی اِسته، مین مغرور مگره، ایله
 تیگی، چمن جسمی کا به مین آدوعه به، یعنی

چمن افتخاری کا بواتیم، خِداوندی طرفی کا
 نواچم، بلگم نفهمی کا بواتیم. ۱۸ چوم که ور
 گسن آدمی ته فیکرون نه افتخار بگردین، از
 نی افتخار بگردیم. ۱۹ نه که اِشتن عاقلیرونه،
 اِمی واسی شمه نفهمون، شادی نه تحمل
 بگردیرون! ۲۰ چوم که اگم آبی نفر شمه اِشتن
 نوکر وَج آگره، یا شمه وپَره، یا شمه کا
 سوءاستفاده بگره، یا اِشتن شمه کا سَرتر بزونه،
 یا شمه دیمی کا سیله پزنه، تاو بوآردیرون.
 ۲۱ شرمندگی نه بسی بوآچم که آمه اِم کاری را
 ور ضعیف بيمونه!

اما اگم کسی جرئت بداره چپی را افتخار
 بگره - از هنی نادونون شیوار گف رَنم - از
 نی اِشتن جرئت بدایم آ جریانی را افتخار بگرم.
 ۲۲ اَوَن عبرانی اینه؟ از نی اِستیمه! اَوَن اسرائیلی
 اینه؟ از نی اِستیمه! اَوَن اِبراهیمی خردنی نه؟
 از نی اِستیمه! ۲۳ اَوَن مسیح نوگری نه؟ از
 آوون کا ورتریمه، تورون شیوار گف رَنم! گردی
 کا سختتر کار گردمه، ورتر زندان شه ایقه،
 گردی کا ورتر لِس هردهمه، ور مرگی مَره چشمه.
 ۲۴ پینچ گره یهودیون کا، سی و نه ضربه شلاق
 هردهمه. ۲۵ سه گره مین لِس رُندشونه، آبی گره
 سنگسار بیمه، سه گره سَفری کا چمن گشتی
 غرق آبه، آبی روز و آبی شو دریا کا مندیمه.
 ۲۶ آ سَفرونی کا که پشت سَرهم بشیم، روارون
 خطری کا، دزدون خطر؛ خطری که چمن
 اِشتن قومی طرفی نه داریم، غیریهودیون طرفی
 نه خطر؛ خطر شهری کا، خطر ویاوونی کا،
 خطر دریا کا؛ خطری که دوروع واجه براون
 طرفی نه داریم؛ ۲۷ بَرک کار گردمه و سختی
 گشمه، چه شوونی که بیخواوی گشمه؛ وشی
 و تیشی کا، ور وختون بی غذا منده ایقه،
 سرده هواکا مندبیمه و لُخت و سُخت بیمه.
 ۲۸ چمون گردی غیراز، گرد کلیسااون را نگرانی

منفعتی برده؟^{۱۸} از تیتوسی کا خواهیشت
گرفته که با شمه وَر و چمه پرا نی چپی همراه
ویسا آگرفته. مگم تیتوس شمه کا منفعتی
برده؟ مگم آمه ایله روح کا عمل نگرده؟
مگم آمه یندی نه ایله راه نیشیمنه؟

^{۱۹} مگم تا جسه خیال بگردیرون که آمه تَقْلا
بگردیمون که شمه پیشی کا اِشْتَن کا دفاع
یگرم؟ آمه خدا حضوری کا کسونی شیوار گف
رَنَم که مسیح کا ایته، ای عزیزن، هر چپی
که بگردیمون، شمه ایمانی تقویت کرده را به.
^{۲۰} چوم که از ترسم بام شمه وَر شمه آته
که انتظار هستمه مومین، و شمه نی آته که
انتظار هسترونه، مَن مومینه. شاید شمه دیله
کا جَنگ و جَدَل، خسودی، خشم، دشمنی،
بُختون، غیبت، غرور و هرکی هرکی ببو.^{۲۱} و
ای کا ترسم که وختی هنی بام شمه وَر، چمین
خدا شمه پیشی کا مَن فروتن یگرم و از مجبور
بیوم بعضیون واسی که قبلا گناه گردشونه و
اِشْتَن ناپاکی، و بی عفتی و عیاشی کا توبه کرده
نیشونه، عزاداری یگرم.

آخرین اخطارن

۱۳ اِم سوّمین گره یه که شمه وینده را
بومیم. «هر گفی که رَنده بی، د یا
سه یگله شاهدی نه ثابت بی.»^۲ از دوّمین
گره که اوآ کا بیمه، کسونی که پیشتری گناه
گردشون به، و اَلباقی نی اخطار دوغم به و
جسه نی که اوآکا نیمه هنی اخطار بدایم که
اگم هنی بام شمه وَر، اوون رحم یگرم.^۳ چوم
که شمه ایله دلیلی دومله گرده که ثابت یگرم
مسیح چمین واسطه نه گف رَنه. مسیح شمه
پیشی کا ضعیف نیته، بَلْکَم شمه دیله کا قوی
یه.^۴ چوم هر چن که آ، ضعیفی کا مصلوب به،
اما خدا قدرتی نه کارا زندگی بگردی. چوم که

شیطان ویسا آگرفته، تا مَن عذاب یدّه و
مرزه از مغرور ببوم.^۸ اِم جریانی را سه گره
خداوندی مَنّت گرفته که آپی به مَن کا ویگرم،
^۹ اما خداوند مینه واتشه: «چمین فیض به ترا
وسته، چوم که چمین قدرت، ضِعْفون دیله کا
کامل بی.» بَس اِمی واسی از پیشتری کا ورتر
شادی نه چمین ضِعْفون را اِفتخار بگردیم تا
مسیح قدرت چمین سَری کا قرار یگرم.^{۱۰} بَس
مسیح واسی، ضِعْفون کا، قَشون کا، سختیون
کا، اذیت آزارون و بلائون کا، راضی ایمه. چوم
وختی از ضعیفیمه، بَس قوی ایمه.

^{۱۱} از ایله نادون بیمه! شمه مَن مجبور
گردرونه، چوم که بسی به مَن کا تعریف
یگریرون. چوم هر چن که هیچی نیمه، اما آ
'یال رسولون' کا هچی کم نیمه.^{۱۲} ایله واقعی
به رسولی نیشونه اِن، وَره صبر و تحملی نه
شمه دیله کا آشکار آبه، علامت و معجزه اونی
نه که قدرتی نه یه.^{۱۳} چوم که چه چی کا اَلباقی
کلیساون کا کمتر شمه را لطف به، اِمی غیراز
که از اِشْتَن هرگز شمه دوشی سَری کا باری
نبیمه؟ چمین اِم خطا یبخشه!

^{۱۴} جسه آماده ایمه سوّمین گره را شمه
وینده را بام، و شمه دوشی سَری کا هیچ باری
نَنَم. چوم که شمه مال و مَنالی دومله نیمه،
بَلْکَم شمه اِشْتَن پیستمه. چوم که خِردنون
وظیفه نیبه اِشْتَن دَده ننه را مال و مَنال جمع
اگرن، بَلْکَم دَده ننه وظیفه یه.^{۱۵} از وَره شادی
نه شمه جانون را خرج بگردیم و چمین جانی نی
بنایم. اگم از شمه نه ورتر خِشیمه، مگم شمه
بسی مینه کمتر خِش بییمه؟

^{۱۶} اما با اِم که قبول دازه از شمه دوشی سَری
کا باری نوعه نیمه، لایِد بواتیرون از حقه بازیمه
و حيله نه شمه به دَس ورده.^{۱۷} مگم کسونی
واسطه نه که ویسا آگرفته شمه وَر شمه کا

إم چییون وختی که شّمه وری کا نیمه شّمه را نیویسیم تا وختی که اومیمه شّمه وِر، مجبور مَبوم چِمین اِقتداری نَه یَندی نَه رفتار یَگیرم، اِقتداری که خِداوند بنا کرده را بَه مَن آدوَعشه نِه ویرونه گرده را.

خاتیمه

۱۱ آخرسَر، ای پِراَن، شاد بَییّه. شّمه فیکر
إم بَبو که هَنی قوت یَگیره، یَندی تَسلی بَدییه،
یَندی نَه هَمراى بَییّه، صلح و سلامتی کا زندگی
یَگیره؛ و خِداى محبت و صلح و سلامتی، شّمه
نَه بَمَندی.
۱۲ مقدّس ماچی نَه یَندی را سلام یَگیره.
۱۳ گِردِ مقدّسن، شّمه را سلام ویسا آگِرِن.
۱۴ خِداوندِ عیساى مسیح فیض، خِدا
محبت و روح القدسى رفاقت، شّمه گِردی نَه
بَبو.

آمه نی آیی کا ضعیفیمونَه، اما شّمه پیشی کا آیی
نَه، خِدا قدرتی نَه زندگی بَگردیمون.
۵ اِشتَن مَحک پَزَنه، تا بَونیه که ایمان
هسترونه یا نِه. اِشتَن آزمایش یَگیره. یا مَگم ای
نِفهمه که عیساى مسیح شّمه دیله کا یَه؟ مَگم
إم که إم آزمایشی کا رُفوزَه آبییه! ۶ اُمید هستمه
ای بَقهمه که آمه إم آزمایشی کا رُفوزَه آبه
نیمونه. ۷ ولی آمه خِدا درگاه کا دعا بَگردیمون
که خَطا مَکَره؛ نِه ای واسی که معلوم بَبو
آمه إم آزمایشی کا سَریلند بَرون اومیمونه، بَلگم
شّمه آچی که دُرسته انجام بَدییه، حتی اگم
إنته نیشون بَدَه که آمه رُفوزَه آبییمونه. ۸ چوم
که آمه نیمشایم حقیقی ضِد هیچ کاری انجام
بَدییم، بَلگم هَر کاری بَگردیمون حقیقی رایَه.
۹ چوم هَر وخت که آمه ضعیف بَیییم و شّمه
قوی، إم چمه شادی باعیث بَبی، و چمه دعا
إمه که شّمه هَنی قوت یَگیره. ۱۰ ای واسی، آز

